



GWASANAETH ARCHIFAU
ACHREDEDIG

ACCREDITED
ARCHIVE SERVICE

Achrediad Gwasanaethau Archifau:

Y Safon

Mehefin 2018

Cyflwyniad

Achrediad Gwasanaethau Archifau yw safon y Deyrnas Unedig i wasanaethau archifau. Mae'r safon yn diffinio arfer dda ac yn dynodi safonau cytunedig a, thrwy hynny, yn annog ac yn cefnogi datblygiad. Gall gwasanaethau archifau yn y Deyrnas Unedig wneud cais am Achrediad drwy lenwi ffurflen gais i ddangos eu bod yn cydymffurfio â'r safon.

Mae'r ddogfen hon yn un o gyfres o ddogfennau sy'n esbonio ac yn rheoli'r cynllun, sef:

- Y Safon – sy'n rhestru'r gofynion y mae'n rhaid i wasanaethau eu cyflawni er mwyn bodloni'r Achrediad Gwasanaethau Archifau a'r canlyniadau y gellir eu disgwyl.
- Dechrau Arni gyda'r Achrediad Gwasanaethau Archifau – cyflwyniad i'r rhaglen a sut mae'n gweithio.
- Y Canllawiau – sy'n rhoi cymorth i ddeall ac ateb gofynion y safon a llenwi'r ffurflen gais.
- Tabl Graddfeydd – sy'n rhannu gwasanaethau archifau i fathau o wasanaeth er mwyn caniatáu ar gyfer addasu'r gofynion yn unol â graddfa'r anghenion.
- Meini Prawf Cymhwyster – meini prawf sy'n caniatáu i wasanaethau asesu eu cymhwyster ar gyfer achrediad.
- Geirfa – diffiniad o'r geiriau a'r termau a ddefnyddir yn y safon a'r canllawiau.
- Ffurflen gais – ar gyfer gwasanaethau archifau sy'n dymuno ymgeisio am Achrediad Gwasanaethau Archifau.
- Ffurflen Asesu – i'w llenwi gan yr aseswyr a'r dilysydd ac i'w chyflwyno i Banel Achredu'r Gwasanaethau Archifau.

Strwythur

Mae tair adran i Safon yr Achrediad Gwasanaethau Archifau:

1. Iechyd Sefydliadol
2. Casgliadau
3. Rhanddeiliaid a'u profiadau

Caiff y gofynion eu gosod yn y grwpiau a ganlyn:


- Polisïau – maent yn disgrifio cyfeiriad a bwriadau cyffredinol sefydliad yn unol â'r hyn a fynegir yn ffurfiol gan yr uwch-reolwyr.
- Cynlluniau - mae'r rhain yn ddogfennau sy'n edrych at y dyfodol gan osod allan amcanion y sefydliad a nodi'r camau gweithredu y mae angen eu

cymryd i gyflawni'r amcanion hynny, yn unol â pholisïau'r sefydliad ac er mwyn cyflawni ei genhadaeth

- Gweithdrefnau - mae'r rhain yn disgrifio ffordd benodol o gynnal gweithgarwch neu broses (cyfres o weithgareddau sy'n rhyngberthyn neu'n rhyngweithio), er mwyn cyflawni allbwn neu ganlyniad penodol. Gellir dogfennu gweithdrefnau ar ffurf canllawiau gweithredol, cyfarwyddiaduron, llawlyfrau, cyfarwyddiadau, siartiau llif ayb.

Y Safon

ADRAN 1: IECHYD SEFYDLIADOL



1.1 Datganiad Cenhadaeth

Gofyniad 1.1

Caiff y gwasanaeth archifau ei lywio gan ddatganiad cenhadaeth sy'n diffinio ei bwrpas yng nghyswllt ei gasgliadau, ac sy'n cysylltu dogfen lywodraethu'r sefydliad â pholisïau a chynlluniau priodol y gwasanaeth archifau.

Canlyniad

Caiff pwrpas y gwasanaeth archifau ei gyfathrebu'n glir i'r rhanddeiliaid i gyd, a'i ddeall ganddynt, ac mae'n llyw cadarn i weithgarwch y gwasanaeth a'i broses o lunio penderfyniadau.

1.2 Strwythurau Llywodraethu a Rheoli

Gofyniad 1.2

Mae perthynas y gwasanaeth archifau â'i riant-sefydliad (neu sefydliadau) yn glir ac yn gadarn o safbwynt cyfreithiol. Mae'r uwch-reolwyr yn cydnabod yn ffurfiol bwrpas y gwasanaeth archifau ac yn ei gefnogi; mae'r llinellau awdurdod a'r cyfrifoldebau dros wneud penderfyniadau rhwng y corff llywodraethu a rheolwyr y gwasanaeth yn dryloyw ac yn effeithiol.

Canlyniad

Mae'r gwasanaeth archifau yn meddu ar strwythurau llywodraethu a rheoli priodol, er mwyn sicrhau casglu, cadwedigaeth a mynediad at y casgliadau yn y tymor hir.

1.3 Blaengynllunio

Gofyniad 1.3

Mae gan y gwasanaeth archifau flaengynlluniau a phrosesau cynllunio effeithiol sy'n dangos dealltwriaeth dda o'r cyd-destun sefydliadol a'r cyd-destun ehangach y mae'r gwasanaeth yn gweithredu ynddo, ac yn ymateb yn briodol.

Canlyniad

Mae'r gwasanaeth archifau yn cynllunio'n effeithiol er mwyn bod yn gynaliadwy yn y tymor hir, gan ddefnyddio'r adnoddau sydd ar gael yn y ffordd fwyaf effeithiol i sicrhau ei fod yn parhau i fod yn hyblyg, yn berthnasol ac yn wydn mewn amgylchedd sy'n newid yn fewnol ac yn allanol.

1.4 Adnoddau: lle a storfeydd

Gofyniad 1.4

Ceir amodau deiliadaeth ysgrifenedig ffurfiol ar gyfer pob adeilad a safle sy'n cynnwys archifau a gwasanaethau archifau, yn analog ac yn ddigidol. Mae'r trefniadau'n ddigonol i gadw'r casgliadau eu hunain yn ddiogel ac yn rhwydd mynd atynt. Mae'r trefniadau hefyd yn caniatáu ar gyfer cynllunio effeithiol i'r dyfodol.

Canlyniad

Rhoddir cartref mewn ffordd gyfrifol i'r gwasanaethau archifau ac i'r casgliadau. Caiff y risgiau sy'n gysylltiedig â rhoi cartref i archifau a gwasanaethau archifau eu cydnabod a'u rheoli'n weithredol drwy brosesau cynllunio priodol gan sicrhau fod y casgliadau'n cael eu diogelu yn y tymor hir.

1.5 Adnoddau: cyllid

Gofyniad 1.5

Gall y gwasanaeth archifau ddangos sefydlogrwydd ariannol. Mae arian digonol wedi'i ddynodi i alluogi'r gwasanaeth archifau i gyflawni ei flaengynlluniau datganedig.

Canlyniad

Mae rheolwyr y gwasanaethau archifau yn cyfrannu'n briodol at brosesau perthnasol pennu a rheoli cyllideb a gallant gynllunio i wella gwasanaeth ar sail hirdymor, gan sicrhau y gwneir y defnydd gorau posibl o'r adnoddau sydd ar gael.

1.6 Adnoddau: gweithlu

Gofyniad 1.6


Mae gan y gwasanaeth archifau weithlu sy'n briodol o ran profiad a niferoedd i ymgymryd â chyfrifoldebau a chynlluniau'r gwasanaeth. Mae gweithdrefnau cyflogaeth a pholisïau gwirfoddoli ar waith i gefnogi perfformiad proffesiynol cymwys a'r broses o ddatblygu'r gweithlu yn barhaus.

Canlyniad

Caiff gwasanaethau archifau eu darparu yn unol â'r safonau proffesiynol a fynnir gan rwymedigaethau cyfreithiol y corff a dyheadau ei flaengynlluniau. Mae'r gweithlu'n glir ynghylch ei rolau a'i gyfrifoldebau a chaiff ei gefnogi i ennill y sgiliau cywir ac i fanteisio ar y cyngor arbenigol cywir i fodloni anghenion cyflawni'r gwasanaeth.

ADRAN 2: CASGLIADAU

Trosolwg



2.1 Rheoli Casgliadau

Gofyniad 2.1

Mae gan y gwasanaeth archifau ddulliau cydgysylltiedig o reoli casgliadau, sy'n cael eu tywys gan bolisiâu, cynlluniau a gweithdrefnau cydlynol. Dylai'r polisiâu gynnwys deunyddiau analog a digidol, pan yn berthnasol, a chael eu cymeradwyo gan yr uwch-reolwyr, neu awdurdod dirprwyedig priodol.

Canlyniad

Mae gweithgareddau rheoli casgliadau'r gwasanaeth archifau wedi'u cysylltu mewn ffordd gyfannol ar lefel polisi ac mae cyswllt clir rhyngddynt a datganiad cenhadaeth y gwasanaeth archifau. Mae polisiâu integredig yn arwain at lai o ddyblygu ymdrechion ac yn gwneud y defnydd gorau posibl o'r adnoddau sydd ar gael.

2.2 Datblygu Casgliadau

Gofyniad 2.2

Mae gan y gwasanaeth archifau ddulliau cydgysylltiedig o ddatblygu casgliadau, sy'n cael eu tywys gan bolisiau, cynlluniau a gweithdrefnau cydlynol. Dylai'r dull gweithredu hwn gynnwys deunyddiau analog a digidol, pan yn berthnasol, a chael eu cymeradwyo gan yr uwch-reolwyr, neu awdurdod dirprwyedig priodol.

Canlyniad

Mae gweithgareddau datblygu casgliadau (caffael, gwerthuso a gwerthu) y gwasanaeth archifau wedi'u cysylltu mewn ffordd gyfannol ac mewn ffordd glir â datganiad cenhadaeth y sefydliad. Mae polisiau integredig yn arwain at lai o ddyblygu ymdrechion ac yn gwneud y defnydd gorau posibl o'r adnoddau sydd ar gael.

Gofyniad 2.2.1

Mae gan y gwasanaeth archifau bolisi clir ynghylch datblygu casgliadau, sy'n cwmpasu caffael croniadau goddefol a rhagweithiol, gwerthuso a gwerthu deunyddiau.

Gofyniad 2.2.2

Gall y gwasanaeth archifau ddarparu cynllun sy'n nodi manylion y camau sy'n cael eu cymryd i werthuso a rhesymoli'r daliadau presennol ac i adnabod bylchau a blaenoriaethau ar gyfer casgliadau'r dyfodol, yn unol â'i bolisi ynghylch datblygu casgliadau.

2.3 Gwybodaeth am Gasgliadau

Gofyniad 2.3

Mae gan y gwasanaeth archifau ddulliau cydgyssylltiedig, sydd wedi'u dogfennu, o weithredu gweithgareddau gwybodaeth am gasgliadau, sy'n cael eu tywys gan bolisiâu, cynlluniau a gweithdrefnau cydlynol. Dylai'r dull gweithredu hwn gynnwys y deunyddiau analog a digidol, pan yn berthnasol, a chael cymeradwyaeth yr uwch-reolwyr, neu awdurdod dirprwyedig priodol.

Canlyniad

Mae gweithgareddau gwybodaeth am gasgliadau (derbyn, catalogio a materion etifeddiaeth) y gwasanaeth archifau wedi'u cysylltu mewn ffordd gyfannol ac mewn ffordd glir â datganiad cenhadaeth y sefydliad. Mae polisiâu integredig yn arwain at lai o ddyblygu ymdrechion ac yn gwneud y defnydd gorau posibl o'r adnoddau sydd ar gael.

Gofyniad 2.3.1

Mae gan y gwasanaeth archifau bolisi ar wybodaeth am gasgliadau, sy'n nodi'n benodol sut y caiff y wybodaeth am gasgliadau ei chofnodi a'i chyfoethogi a'r safonau a'r gweithdrefnau y mae'n rhaid eu defnyddio.

Gofyniad 2.3.2

Gall y gwasanaeth archifau ddarparu cynllun sy'n nodi'n benodol y camau a gaiff eu cymryd i gyfoethogi'r cofnodion catalog cyfredol ac i fynd i'r afael â gwaith catalogio sydd wedi cronni, yn unol â'i bolisi ar wybodaeth am gasgliadau.

Gofyniad 2.3.3

Mae gweithdrefnau clir, sydd wedi'u dogfennu, ar waith ar gyfer prosesau gwybodaeth am gasgliadau craidd, ac mae'r rheiny'n ddealedig gan y gweithlu perthnasol ac yn cael eu defnyddio ganddynt.

2.4 Gofal a Chadwraeth Casgliadau

Gofyniad 2.4

Mae gan y gwasanaeth archifau ddulliau cydgysylltiedig, sydd wedi'u dogfennu, o weithredu gweithgareddau gofal a chadwraeth y casgliadau sy'n cael eu tywys gan bolisiau, cynlluniau a gweithdrefnau cydlynol. Dylai'r dull gweithredu hwn gynnwys y deunyddiau analog a digidol, pan yn berthnasol, a chael cymeradwyaeth yr uwch-reolwyr, neu awdurdod dirprwyedig priodol.

Canlyniad

Mae gweithgareddau gofal a chadwraeth casgliadau (rheoli adeiladau a chadwraeth adferol ac ataliol) y gwasanaeth archifau wedi'u cysylltu mewn ffordd gyfannol ac mewn ffordd glir â datganiad cenhadaeth y sefydliad. Mae polisiau integredig yn arwain at lai o ddyblygu ymdrechion ac yn gwneud y defnydd gorau posibl o'r adnoddau sydd ar gael.

Gofyniad 2.4.1

Mae gan y gwasanaeth archifau bolisi ar ofal a chadwraeth casgliadau, sy'n tywys dull y sefydliad o weithredu cadwraeth ataliol ac adferol, er mwyn sicrhau cadwedigaeth hirdymor y casgliad a mynediad ato.

Gofyniad 2.4.2

Gall y gwasanaeth archifau ddarparu cynllun sy'n nodi manylion y camau a gaiff eu cymryd i fynd i'r afael â blaenoriaethau cadwraeth ataliol ac adferol, yn unol â'i bolisi ar ofal a chadwraeth casgliadau.

Gofyniad 2.4.3


Mae gweithdrefnau clir, sydd wedi'u dogfennu, ar waith ar gyfer gofalu'n rheolaidd am gasgliadau ac mae'r rheiny'n ddealedig gan y gweithlu perthnasol ac yn cael eu defnyddio ganddynt.

Gofyniad 2.4.4

Mae'r gwasanaeth archifau wedi profi cynllun a gweithdrefnau i baratoi ar gyfer trychinebau, sy'n ei alluogi i ymateb yn effeithiol i sefyllfaoedd o argyfwng a sicrhau fod y busnes yn parhau. Mae cynlluniau argyfwng yn berthnasol i bob adeilad sy'n cynnwys casgliadau a gwasanaethau archifau.

ADRAN 3: RHANDDEILIAID A’U PROFIADAU

Trosolwg



3.1 Polisiâu Mynediad

Gofyniad 3.1

Mae gan y gwasanaeth archifau bolisi clir ar fynediad ac ymgysylltu, sy'n nodi'n benodol y ffordd y caiff mynediad ei ddarparu a'i gyfoethogi i bob rhanddeiliad, a hynny'n briodol i ddatganiad cenhadaeth y sefydliad a natur a graddfa ei gasgliad. Dylai'r polisi gael cymeradwyaeth yr uwch-reolwyr, neu awdurdod dirprwyedig priodol.

Canlyniad

Caiff y gwasanaeth archifau ei lywio gan bolisi cytunedig ar fynediad, sy'n cyfathrebu'n glir hawliau mynediad at y casgliad, gan wneud y defnydd gorau posibl ohono. Mae'r polisi yn rhan o'r fframwaith rheoli casgliadau integredig sy'n galluogi cynllunio effeithiol a defnyddio'r adnoddau sydd ar gael yn y ffordd orau bosibl.

3.2 Cynllunio a Chynlluniau Mynediad

Gofyniad 3.2

Mae'r gwasanaeth archifau yn arddangos dealltwriaeth dda o anghenion a diddordebau'r gymuned y'i sefydlwyd i'w gwasanaethu. Mae ganddo gynlluniau ar waith sy'n nodi manylion y camau a gaiff eu cymryd i ddiwallu anghenion mynediad y rhanddeiliaid ac i wella'n barhaus y gwasanaeth a ddarperir. Mae'r cynlluniau yn briodol i ddatganiad cenhadaeth y sefydliad ac i natur a graddfa ei gasgliadau.

Canlyniad

Mae gan y gwasanaeth archifau ddull gweithredu sydd wedi'i gynllunio i ganolbwyntio ar y cwsmer er mwyn gwella mynediad ac ymgysylltiad â'i gymuned, ac sy'n ei alluogi i ymateb yn barhaus i anghenion a diddordebau pob rhanddeiliad.

Gofyniad 3.2.1

Mae'r gwasanaeth archifau yn deall y gymuned y'i sefydlwyd i'w gwasanaethu ac mae ganddo ddulliau effeithiol ar waith ar gyfer casglu, dadansoddi a gwerthuso gwybodaeth am anghenion a diddordebau ei rhanddeiliaid presennol a darpar rhanddeiliaid, a sut i ymgysylltu â hwy, gan gynnwys y rhai sydd eisoes yn defnyddio'r gwasanaeth a darpar ddefnyddwyr.

Gofyniad 3.2.2

Mae gan y gwasanaeth archifau gynlluniau sydd wedi'u dogfennu i wella'n barhaus fynediad ac ymgysylltiad mewn ymateb i anghenion a diddordebau dynodedig ei gymuned. Eir ati'n frwd i weithredu ac adolygu'r cynlluniau.

3.3 Gwybodaeth, Gweithdrefnau a Gweithgareddau ynghylch Mynediad

Gofyniad 3.3

Mae'r gwasanaeth archifau yn darparu mynediad at ei ddaliadau ac amrywiaeth o ddulliau i gael mynediad at y casgliadau ac i ymgysylltu â hwy. Mae'n darparu gwybodaeth glir ac ymarferol ar sut i gael mynediad at wasanaethau a chasgliadau, sy'n ateb anghenion a diddordebau ei gymuned ac sy'n diogelu hawliau perchenogion hawlfraint a gwrthrychau'r data.

Canlyniad

Mae'r gwasanaeth archifau yn cynnig mynediad da i'w gasgliadau ar gyfer y gymuned gyfan. Gall defnyddwyr a darpar ddefnyddwyr ddod o hyd i'r gwasanaeth archifau yn rhwydd a chânt eu cynorthwyo i gael mynediad at gasgliadau, ac i ymgysylltu â hwy, mewn modd effeithlon a chyda hyder, cyfrifoldeb a gofal.

Gofyniad 3.3.1

Caiff mynediad priodol ei gynnig at gasgliadau a gwasanaethau archifau, ar y safle ac oddi arno, a chaiff gwybodaeth ymarferol ynghylch sut i ddefnyddio'r gwasanaeth ei chyfathrebu'n effeithiol i bob rhanddeiliad.

Gofyniad 3.3.2

Mae gweithdrefnau effeithiol, sydd wedi'u dogfennu, ar waith ar gyfer rhoi mynediad i ddefnyddwyr a chaiff y gweithdrefnau hynny eu cyfathrebu'n dda i bob rhanddeiliad.

Gofyniad 3.3.3

Mae amrywiaeth o ddulliau mynediad at y casgliadau a'r gwasanaethau archifau ar gael, a'r rheiny'n briodol i ddatganiad cenhadaeth y sefydliad a natur a graddfa ei gasgliadau.
